

---

OFFERYNNAU STATUDOL CYMRU

---

**2005 No. 3368**

**Rheoliadau Bwyd Anifeiliaid  
(Hylendid a Gorfodi) (Cymru) 2005**

**RHAN 4**

**Gweinyddu a Gorfodi yn Gyffredinol**

**Atebolrwydd am wariant**

**28.**—(1) Yn ddarostyngedig i baragraff (2) mae'n rhaid i unrhyw symiau sy'n ddyledus i'r awdurdod gorfodi yn rhinwedd Erthygl 54(5) (camau gweithredu yn achos diffyg cydymffurfiaeth) o Reoliad 882/2004 gael eu talu gan weithredwr y busnes bwyd anifeiliaid i'r awdurdod gorfodi os gofynnir iddo wneud hynny.

(2) Nid yw'r rheoliad hwn yn gymwys mewn perthynas ag Erthygl 54(2)(g), (mesurau y cyfeirir atynt yn Erthygl 19 ar anfoniadau o drydydd gwledydd), o Reoliad 882/2004.